

# मेङ्सु

कोन्डा मननि  
मनिन्दि

जानुबारी २०२६

प्रकाशन – ७

ओपरोल लेक

कोन्डा नेलादी आनीकाननि पातीइ माननि  
गेटाकनि ओतूल् दालूनूचि ओढाइ। आइ  
आये पोडागूनि रायले ओढाकातोहोइ मेरि  
समय धैय माननि संतुलनादी चिन्हा  
ओटोओइ। लाखो पाटालोनि नेलादी  
आलचातोनि बेनाइ कोन्डालू दानलापटा  
मोन्, राया, चोटू, निलू, माननि जीवननि  
सँजोए पेडातोओलू। भारत लोनि, हिमालय,  
विंध्य, सतपूडा माननि अरावलीलागू कोन्डे  
कादू भोगौलिक पहचानाओढादि, मेरि आत देशदी जीवना गेतादी आधार ताकाले ओढादि।  
कोन्डालादि आढालोदिनी बेसाइ एडाऊ,जानवारलू माननि मेडासालदि उरालू ओक दुसारातोनि  
केलचि ओकाटी आतानी जीवन-चक्र बनेतोओलू।



कोन्डा सनत्ता जरुरि ओतोहोन्दि दनकातेनि  
एकनुच्चेनि मानिन्दलु ओडेकतोहोन्दि, अदि मोटा  
एल्लि उरकि माननि मेइलकि निरु इतोहोन्दि।  
कोन्डा मेगुनि रोकतोहोन्दि, दिनुच्चि समयलिनो  
ओना कोइतोहोन्दि। माननि नेयाला उपजाउ  
बानतोहोन्दि। कोन्डमेन्दा पच्चगनि एइगु गालनि  
साप चेतोहोन्दि। मननि अन्डा उकपाले

ओनिकातोहोन्दि। कोन्डा बरपनि सकनि पेयाइतोहोन्दि अददि मेल मेलनि केरगि मनि  
मानिन्दनि ओक पाटदानि निरु इतोहोन्दि। दिन्नुच्चिनि कोन्डा अन्डाकाल्लोनि पिरथिबिलोनि  
अन्ननि जिवननि बेतनकि साहारा इतोहोन्दि।

माउ भालेनि कोन्डमेन्दा ओन्डकातोहोनु मरि मा  
जिबना कोन्डमेन्दा जुडि केलचि ओन्हादि।  
एन्निलो माउ तातोनाउ, ए कुडु माउ ताटोहोनु  
मननि ए गालि माउ सास पुचकोटोहोनु  
अइअन्ननि देनकानानि कोन्डमेन्दा जुड ओन्डाइ।  
एपडु कोन्डनि नेकतोहोलु मननि एडुं नेरकेतोहोलु  
मरि नेयाला जारपोतोहोन्दि, बाडा ओतोहोन्दि मननि मेइलु नुकसान ओतोहोइ। उरलु मननि  
सहरलो निलकि कमि एपोतोहोइ। कोन्डा माकि नेइकतोहोन्दि बिना कोकगंतोनि मजबुत  
बानपोताइ मननि मोरोकनि बाच्चिचेहालु। कोन्डा ओनदेकडा ओटोहोन्दि अपडेनि नेयाला  
सुरक्षित ओटोहोलु।







मनिन्दि पारकोटा निरे कादु मरि अदि जिबननि मोट तिसकलतानकि ओक्कि अरगंदि धारा ओन्डादि। मनिन्दि कोन्डलोनूचि ओइडेकि एडु, उरलु, मननि मइलटा एल्लि मोटा ओतोहोन्दि एकड़ा जिबना बसपोतोहोन्दि। भारतलोनि मानिन्द ओचनि सनता जिबना बस उन्नाइ ओर मननि इपड़मोलो ओन्डाइ। दनकाट्टेनि निलु, मेइलु मननि ओट्टानकि सोटु इच्चिन्दि। मननि इपड़मोलोनि

सानेन्नि सहरलो मननि बाबसाए मानिन्द पेड़कि कुको ओन्डाइ।

मनिन्दि माकि रोजु जिबन मेन्दा सनता पेन्नि ओतोहोन्दि। माउ ए निलु तातोहो, मेइलोकि ए निलु सेनु परचेतानकि इसतेमाल चेतोहो मननि जानबारल ए निलु तातोहोइ अइ अन्निनि मानिन्दकि निरबर उन्नाइ। ओइसाकालो एपडु मनिन्दि पुरा ओतोहोन्दि अपडु मनिन्दि दनतोसोमनि उपजाउ मोन्नु पुटकोतोहोन्दि दनतोनि ए मेइलु बानेनि दानो ओउतोहोइ। अन्डा कालनि मानिन्दि असपासनि बाताबरननि साल्गनि पेयाइतोहोन्दि मननि मेइस्लकि अराम इतोहोन्दि। मानिन्दि नेयाल किन्दताकलनि निरु रेन्डबारतोहोन्दि, दिनुचि माकि मोन्नु किनगनुचि माकि निलदोरतोहोइ।



मानिन्दि केबलनि जरुरत चिजि कादु, अदि मेइस्लनि केलतनकि पेन्न चेतोहोन्दि। मेइस्लु



मानिन्दिओचिनि केल्तहोलो माननि मालाइतोहोलो मना समय बितेतोहोलो। मानिन्दतोनि बानेनि बाबसाइ नेइतोहोइ, चापलो पुटकोनोलु चापलो पुटकोतोहोलो, मानिन्दनुचि लाइनि बानतोहोन्दि, मानिन्दलोनि ओइनुचि बानेनि सामान मननि मेइस्लनि एलपाका अलपाक्का पुटकोतोहोलो। मरि एपडु बाने

मनिन्दलु गंदा ओपोतनाइ। दालोकनि गंदा निलु मननि प्लास्टिक मननि काचरा पोउसेहालु। दिनतोनि निलु खारापा एपोहोन्दि मननि बिमारो बेगरतनादि। बाने सेटलकाड़ा मानिन्दि एन्डपोहोन्दि दिनतोनि मेइलु मननि उरदि जिबना प्रभाबित ओतनादि।

एपडु मनिन्दि बेमार पेड़पोते अपडु मा समाजा परिसान एपोतोहोनलो। दिननुचि मनिन्दि सापनि पेट्टानि, अलुकि गंदेगिया पोइका मननि निलु बचिचि मा अल्दलदिनि जिमिदारि ओन्डादि। मानिन्दि मालनि नेइपतोहोन्दि जिबननि हामेसानि मोटा अलतान ओन्डादि।

**ईच्छा:** ईच्छा एक मासिक पत्रिका है जो ओपरोल समाज को पढ़ाई में अगे बढ़ने के लिये मदत करता है। वे ओपरोल समाज के लोगोको ओपरोल भाषा पढ़ने ओर सिखने के लिये मदत करता है। ये बाच्चे ओर जाबान लोगो को ध्यान में राखते हुये बानाया गया है, ता कि वह समाज के बाकि लोगो को भि सिखने के लिये मदत करे।

इस पत्रिका कि अधिकतर भाग अनलाईन से लिया गया है। अगर आपको भि कुछ इसमे लिखके प्रकाश करना है तो हामसे सम्पर्क करे।

